



孫軒長短句
三



點稼軒長短句序



卷之二

稼軒幸忠敏公幼安歷城人也少與
党懷英同師蔡伯堅筮仕決以著懷
英得坎因留事金稼軒得離遂浩然
南歸紹興末屢立戰功嘗作九議暨
美芹十論上之皆切中時務累官兵
部侍郎樞密都承旨晚年解印綬歸

僑寓鉛山之期思帶湖瓢泉渚煙谿
月稼軒吟嘯于其間亦樂矣哉今鉛
山縣南二里許有稼軒書院而分水
嶺下厥墓在焉余家藏稼軒長短句
十二卷蓋信州舊本也視長沙本為
多序曰稼軒有逸才長於填詞平生
與朱晦菴陳同父洪景盧劉改之輩

相友善晦菴答稼軒啓有曰經綸事
業股肱王室之心遊戲文章膾炙士
林之口劉改之氣雄一世其寄稼軒
詞有曰古豈無人可以似吾稼軒者
誰後百餘年邯鄲張楚過其墓而以
詞酹之曰嶺頭一片青山可能埋得
凌雲氣又曰謾人間留得陽春白雪

千載下無人繼觀同時之所推獎異代之所追慕則稼軒人品之豪詞調之美槩可見已晦菴之沒也時黨禁方嚴稼軒獨為文哭之卒之日家無餘財僅遺平生著述數帙而已烏虜賢哉長短句凡五百六十八闕余歸田多暇稍加評點間於登臺步壠之

餘負未荷勳之夕輒歌數闕神爽暢越蓋超然不覺塵思之解脫也惜乎世鮮刻本開封貳郡歷城王侯詔讀而愛之曰予忝為稼軒鄉後進請壽諸梓願惠一言以為觀者先余聊擬稼軒之取重於當時後世者如此其中妙思靈句則評附本篇云

嘉靖丙申春二月嵩渚山人李瀛
川父書于碧雲精舍



稼軒長短句目錄 共五百六十八闕

卷之一 二十八

哨遍 三 六州歌頭 二

蘭陵王 二 賀新郎 二十二

卷之二 三十三

念奴嬌 十九 沁園春 十三

卷之三 三十七

水調歌頭 三十五 玉蝴蝶 二

卷之四 三十八

滿江紅三十三 木蘭花慢五

卷之五 三十六

水龍吟十三 摸魚兒三

西河一 永遇樂五

歸朝歡四 一枝花一

喜遷鶯二 瑞鶴仙三

聲聲慢四

卷之六 三十七

八聲甘州二 雨中花二

漢宮春六 滿庭芳四

六么令二 醉翁操一

醜奴兒近一 洞仙歌七

驀山溪二 最高樓八

上西平二

卷之七 四十七

新荷葉六 御街行二

祝英臺近三 娑羅門引五

千年調一 粉蝶兒一

千秋歲一

江神子十二

青玉案一

感皇恩五

行香子四

一翦梅二

踏莎行四

卷之八 六十

定風波十二

破陣子五

臨江仙二十四

蝶戀花十二

小重山三

南鄉子五

卷之九 六十五

鷓鴣天六十

瑞鷓鴣五

卷之十 六十四

玉樓春十七

鵲橋仙七

西江月十五

朝中措六

清平樂十五

好事近四

卷之十一 六十七

菩薩蠻十三

卜筮子十三

醜奴兒八

浣溪沙十五

添字浣溪沙八

虞美人四

浪淘沙三

減字木蘭花三

卷之十二 五十七

南歌子三

醉太平一

漁家傲一

錦帳春一

太常引四

東坡引三

夜遊宮一

戀繡衾一

杏花天三

唐河傳一

醉花陰一

品令一

醉翁飛一

柳梢青三

河漢神一

武陵春二

謁金門三

酒泉子一

霜天曉角二

點絳脣二

生查子十

尋芳草一

阮郎歸一

昭君怨三

烏夜啼三

一絡索二

如夢令一

憶王孫一

稼軒長短句目錄

稼軒長短句卷之一

歷城辛棄疾湯著

大梁李濂批評

歷城王詔校刊

哨遍

秋水觀

李評曰達人大觀意思全出此
子下篇同

蝸角鬪爭。左觸右蠻。一戰連千里。君試思方寸此心

微。總虛空并包無際。喻此理。何言泰山毫末。從來天
地一稊米。嗟小大相形。鳩鵬自樂。之二蟲又何如。記
踞行仁義。孔丘非。更殤樂長年。老彭悲。火鼠論寒。冰
蠶語熱。定誰同異。噫。貴賤隨時。連城纔換一羊皮。
誰與齊萬物。莊周吾夢見之。正商略遺篇。翩然顧笑
空堂。夢覺題秋水。有客問洪河百川灌雨。涇流不辨
涯涘。於是焉。河伯欣然喜。以天下之美盡在已。渺滄
溟望洋東視。逡巡向若驚歎。謂我非逢子。大方達觀
之家。未免長見。悠然。此堂之水幾何其。但清溪

一曲而已

用前韻

一壑自專。五柳笑人。晚乃歸田里。問誰知。幾者動之
微。望飛鴻冥冥天際。論妙理。濁醪正堪長醉。從今自
釀躬耕米。嗟美惡難齊。盈虛如代天。耶何必人知。試
回頭五十九年非。侶夢裡歡娛。覺來悲癯。乃憐絃。藪
亦仁羊。笑來何異。嘻。物諱窮時。豐狐文豹。罪因皮。
富貴非吾願。遑遑乎欲何之。正萬籟都沉。月明中夜。
心彌萬里。清如水。却自覺神遊。歸來坐對。依稀淮岸。

江涘看一時魚鳥忘情。喜會我已忘機，更忘已又何會。物我相視，非魚濠上遺意。要是吾非子，但教河伯休慚。海若大小均為水耳。世間喜愠更何其。笑先生三仕三已。趙昌父之祖季思學士，退居鄭圃，有亭名魚計。宇文叔通為作古賦。今昌父之弟成父於所居鑿池築亭，榜以舊名為成父作詩屬余賦。哨遍莊周論於蟻，弃知於魚，得計於羊，弃意其義美矣。然上文論虱託於豕而得焚，羊肉為蟻所慕而致殘，下文將

併結二義，乃獨置豕虱不言，而遽論魚，其義無所從起。又問於羊蟻兩句之間，使羊蟻之義離不相屬，何耶？其必有深意存焉。顧後人未之曉耳。或言蟻得水而死，羊得水而病，魚得水而活，此最穿鑿，不成意趣。余嘗反復尋繹，終未能得意。世必有能讀此書而了其義者。他日倘見之而問焉，姑先識余疑於此詞。

云爾

李評曰：非有得於莊者，弗能為此詞奇哉奇哉。

池上主人人適忘魚。魚適還忘水。洋洋乎翠藻青萍

裡相魚兮無便於此。嘗試思莊周談兩事。一明豕虱
一羊蟻。說蟻慕於羶。於蟻弃知。又說於羊弃意。其虱
焚於豕。獨忘之。却驟說於魚為得計。千古遺文。我不
知言。以我非子。子固非魚。噫。魚之為計。子焉知。河
水深且廣。風濤萬頃堪依。有網罟如雲。鷓鴣成陣。過
而留泣。計應非。其外海茫茫。下有龍伯。飢時一啖千
里。更任公五十。糖為餌。使海上人人厭腥味。似鷓鴣
變化。幾東遊入海。此計直以命為嬉。古來謬笑狂圖。
五鼎烹豕。死栢為平地。嗟魚欲事遠遊時。請三思而行。

可矣

六州歌頭

屬得疾暴甚。醫者莫曉其狀。小愈。困臥無聊。

戲作以自釋。李評曰亦是奇作。

晨來問疾。有鶴止庭隅。吾語汝只三事。大愁。余病難
扶。手種青松樹。碍梅塢。妨花逕。纜數尺。如人立。却須
鋤。秋水堂前。曲沼明於鏡。可燭眉鬚。被山頭急雨。
耕壟灌泥塗。誰使吾廬映汚渠。嘆青山好。簷外竹。遮
欲盡。有還無。刪竹去。吾乍可。食無魚。愛扶疎。又欲為

山計千百慮。累吾軀。凡病此吾過。夫子奚如。口不能言。臆對雖虛扁。藥石難除。有要言妙道。事見往問七發北山愚庶有瘳乎。

蘭陵王

賦一丘一壑。李評曰惟高逸之士乃有此

一丘壑。老子風流占却。茅簷上松月桂雲。呱呱石泉。逗山脚。尋思前事錯。惱煞晨猿夜鶴。終須是鄧禹輩。人錦繡。麻霞坐黃閣。長歌自深酌。看天闊。鳶飛淵靜魚躍。西風黃菊香噴薄。恨日暮雲合。佳人何處。綉

蘭結佩帶杜若。入江海會約。遇合事難托。莫擊磬。門前荷蕢人過。仰天大笑冠簪落。待說與窮達不須疑着。古來賢者。進亦樂。退亦樂。

又

已未八月二十日夜。夢有人以石研屏見饒者。其色如玉。光潤可愛。中有一牛磨角作閨狀。云湘潭里中。有張其姓者。多力善鬪。號張難敵。一日與人搏。偶敗。忿赴河而死。居三日。其家人來視之。浮水上。則牛耳。自後並水之

山。徃徃有此石。或得之里中。輒不利。夢中異之。為作詩數百言。大抵皆取古之怨憤變化異物等事。覺而忘其言。後三日賦詞以識其異。

李評曰異事奇作

恨之極。恨極銷磨不得。長弘事人道。後來其血三年化為碧。鄭人緩也泣。吾父攻儒助墨。十年夢沈痛。化余秋柏之間。既為實。相思重相憶。被怨結中腸。潛動精魄。望大江上巖巖立。嗟一念中變。後期長絕。君看啓母憤所激。又俄頃為石。難敵最多力。甚一忿。

沉淵精氣為物。依然困闢牛磨角。用便影入山骨。至今雕琢。尋思人世。只合化夢中蝶。

賀新郎

賦水仙

李評曰起用杜句甚佳末亦稱

雲臥衣裳冷。看蕭然風前月下。水邊幽影。羅襪生塵。凌波去。湯沐煙波萬頃。愛一點嬌黃成暈。不記相逢。曾解佩。甚多情。為我香成陣。待和淚。收殘粉。靈均千古懷沙恨。記當時。忽忽忘把此仙題品。煙雨淒迷。傷愁損。翠袂搖搖誰整。謾寫入瑤琴。幽憤絃斷招魂。

無人賦。但金杯的樂。銀臺潤。秋殢酒。又獨醒。

賦海棠

著厭霓裳素。染臙脂。字羅山下。浣沙溪渡。誰與流霞
千古醞。引得東風相誤。從更入吳宮深處。鬢亂釵橫
渾不醒。轉越江。剗地迷歸路。煙艇小。五湖去。當時
倩得春留住。就錦屏一曲。種種斷腸風度。纔是清明
三月近。須要詩人妙句。笑援筆。慙慙為賦。十樣蠻牋
紋錯綺。粲珠璣。淵擲驚風雨。重喚酒。共花語。

賦滕王閣

李評曰。隱括妙絕。

高閣臨江渚。訪層城。空餘舊迹。黯然懷古。書棟朱簾
當日事。不見朝雲暮雨。但遺下西山南浦。天守脩眉
浮新綠。映悠悠。潭影恨如故。空有恨。奈何許。王郎
健筆誇翹楚。到如今。落霞孤鶩。競傳佳句。物換星移
知幾度。夢想珠歌翠舞。為徙倚。闌干凝佇。目斷平蕪
蒼波晚。快江風一瞬。澄襟暑。誰共飲。有詩侶。

賦琵琶

李評曰。寫出哀怨。

鳳尾龍香撥。自開元。霓裳曲罷。幾番風月。最苦尋陽
江頭客。畫舸亭亭待發。記出塞黃雲堆雪。馬上離愁

三萬里望昭陽宮殿孤鴻沒絃解語恨難說遼陽
驛使音塵絕瑣窗寒輕攏樓珠淚盈睫推手含情
還却手一抹梁州哀徹千古事雲飛烟滅賀老定傷
無消息想沉香亭北繁華歇彈到此為嗚咽

又

李評曰不減前篇

柳暗凌波路送春歸猛風暴雨一番新綠千里瀟湘
葡萄漲人解扁舟欲去又檣燕留人相語艇子飛來
生塵步唾花寒唱我新番句波信箭催鳴櫓黃陵
祠下山無數聽湘娥泠泠曲罷為誰情苦行到東吳

春已暮正江闊潮平穩渡望金雀舫稜翔舞前度劉
郎今重到問玄都千樹花存否愁為倩公絃訴

陳同父自東陽來過余留十日與之同游鷺
湖且會朱晦菴於紫溪不至飄然東歸既別
之明日余意中殊戀戀復欲追路至鷺鷥林
則雪深泥滑不得前矣獨飲方村悵然久之
頗恨挽留之不遂也夜半投宿吳氏泉湖四
望樓聞隣笛悲甚為賦乳燕飛以見意又五
司同父書來索詞心所同然者如此可發千

里一笑

把酒長亭說。看淵明風流酷似。龍諸葛。何處飛來
林間鵲。蹙踏松梢殘雪。要破帽多添華髮。剩水殘山
無態度。被疎梅料理成風月。兩三馬也。蕭瑟佳人
重約還輕別。恨清江天寒不渡。水深冰合。路斷車輪
生四角。此地行人銷骨。問誰使君來愁絕。鑄就而今
相思錯。料當初費盡人間鐵。長夜笛。莫吹裂。

同父見和再用韻答之

老大那堪說。但而今龍臭味。孟公瓜葛。我病君來

高歌飲。驚散樓頭飛雪。笑富貴。千鈞如髮。硬語盤空
誰來聽。記當時只有西窗月。重進酒。換鳴瑟。事無
兩樣。人心別。問渠儂。神州畢竟幾番離合。汗血鹽車
無人顧。千里空收駿骨。正目斷。關河路絕。我最憐君
中宵舞。道男兒到此心如鐵。看試手。補天裂。

用前韻贈金華杜仲高

細把君詩說。恍餘音鈞天浩蕩。洞庭膠葛。千丈陰崖
塵不到。惟有層冰積雪。乍一見寒生毛髮。自昔佳人
多薄命。對古來悲恹。一片傷心月。金屋冷。夜調瑟。去天

尺五君家別。看乘空魚龍慘淡風雲開合。起望衣冠
神州路。白日銷殘戰骨。嘆夷甫諸人清絕。夜半狂歌
悲風起。聽錚錚陣馬簷間鐵。南共北。正分裂。

三山雨中游西湖有懷趙丞相

李評曰此老富於才情故自此
以下諸篇皆未易及

翠浪吞平野。挽天河誰來照影臥龍山下。煙雨偏宜
晴更好。約略西施未嫁。待細把江山圖畫。千頃光中
灑灑。信扁舟欲下瞿塘馬。中有句。浩難寫。詩人
入西湖社。記風流重來手種綠成也。陌上游人誇

故國十里水。水晶臺榭更復道。橫空清夜粉黛中洲歌
妙曲。問當年魚鳥無存者。堂上燕。又長夏。

和前韻

覓句如東野。想錢塘風流處士水仙祠下。更憶小孤
烟浪裡。望斷彭郎欲嫁。是一色空濛難畫。誰解胸中
吞雲夢。試呼來草賦看司馬。須更把。上林寫。鷄豚
舊日漁樵社。問先生帶湖春漲幾時歸也。為愛琉璃
三萬頃。正臥水亭烟榭。對玉塔澹瀾深夜。鴈鷺如雲
休報事。被詩逢敵手皆勅者。春草夢也宜夏。

又和

碧海來成野。笑人間江翻平陸。水雲高下。自是三山
顏色好。更看雨。婚煙嫁。料未必龍眠能畫。擬向詩人
求幼婦。倩諸君妙手。皆談馬。須進酒。為陶寫。回頭
鷗鷺。瓢泉社。莫吟詩。草拋酒尊。是吾盟也。下騎而今
遮白髮。忘却滄浪亭榭。但記得。灞陵呵夜。我輩從來
文字飲。怕壯懷。激烈須歌者。蟬噪也。綠陰夏。

別茂嘉十二弟。鷓鴣杜鵑實兩種。見離騷補

註

本評曰開口便佳

綠樹聽鷓鴣。更那堪鷓鴣聲切。啼到春歸
無尋處。苦恨芳菲都歇。弄未抵人間離別。馬上琵琶
關塞黑。更長門翠輦。辭金闕。看燕燕送歸妾。將軍
百戰身名烈。向河梁回頭萬里。故人長絕。易水蕭蕭
西風冷。滿座衣冠。借雪。正壯士悲歌未徹。啼鳥還知
如許恨。料不啼清淚。長啼血。誰共我。醉明月。

題趙蕪善龍閣東山小魚亭

下馬東山路。恍臨風周情孔思。攸然千古。寂寞東家
丘何在。縹緲危亭小魚。試重上巖巖高處。更憶公歸

西悲日。正濛濛陌上多零雨。嗟費却。幾章句。謝公
雅志。還成趣。記風流。中年懷抱。長携歌舞。政爾良難
君臣事。晚聽秦箏聲苦。快滿眼松篁千畝。把酒渠垂
功名淚。算何如。且作溪山主。雙白鳥。又飛去。

題傅君用山園

曾與東山約。為儵魚。從容分得清泉一勺。堪笑高人
讀書處。多少松窻竹閣。甚長被遊人占却。萬卷何言
達時用。士方窮。早與人同樂。新種得。幾花藥。山頭
恠石蹲秋鶻。俯人間。塵埃野馬。孤撐高攬。桂杖危亭。

扶未到。已覺雲生兩脚。更換却。朝來毛髮。此地千年
曾物化。莫呼猿。且自多招鶴。吾亦有一丘壑。

用韻題趙晉臣敷文積翠巖。余謂當築陂於

其前

李評曰。老是何等才。氣聲皆用之不窮。

柱杖重來約。到東風。洞庭張樂。滿空簫勺。巨海拔犀
頭角出。東向北山高閣。尚依舊。爭前又却。老我傷懷
登臨際。問何方。可以平字甚好平哀樂。唯是酒。萬金藥。勸君
且作橫空鶴。更休論。人間腥腐。紛紛烏攫。九萬里風
斯在下。翻覆雲頭雨脚。快直上。崑崙濯髮。好臥長虹。

破千里是誰言。聽取雙黃鶴。携翠影。浸雲壑。

韓仲止判院山中見訪。席上用前韻。

李評曰。效作。

聽我三章約。用世語。有談功談名者舞。談經深酌。作賦

相如親滌器。識字子雲授。閣笑枉把精神費。却此會

不如公榮者。莫呼來政爾。妨人樂。醫俗士。苦無藥。

當年衆鳥看孤鴉。意飄然橫空直。把曹吞劉攫。老我

山中誰是伴。須信窮愁有脚。但剪盡還生僧髮。自斷

此生天休問。倩何人說與乘軒鶴。吾有志在丘壑。

邑中園亭。僕皆為賦。此詞一日獨坐停雲永

聲山色競來相娛。意溪山欲援例者。遂作數

語。庶幾彷彿淵明思親友之意云。

李評曰。名下果無虛士。健羨健

甚矣吾衰矣。悵平生。交游零落。只今餘幾。白髮空垂

三千丈。一笑人間萬事。問何物能令公喜。我見青山

多嫵媚。料青山見我。應如是。情與貌略相似。一尊

搔首東窗裡。想淵明停雲詩就。此時風味。江左沈酣

求明者。豈識濁醪妙理。回首叫雲飛。風起。不恨古人

吾不見。恨古人不見吾狂耳。知我者。二三子。

風流跌宕誰能道此語耶。

再用前韻

鳥倦飛還矣。笑淵明餅中儲粟。有無能幾。蓮社高人
留翁語。我醉寧論許事。試沽酒重斟翁喜。一見蕭然
音韻古。想東籬醉臥。參差是千載下。竟誰侶。元龍
百尺高樓裡。把新詩慙慙問我。停雲情味。北夏門高
後。拉擁何事。須人料理。翁會道繁華朝起。塵土人言
寧可用。顧青山與我何如耳。歌且和。楚狂子。

題傅巖叟攸然閣

路入門前柳。到君家悠然細說淵明重九。晚歲淒其

無諸葛。惟有黃花入手。更風雨東籬依舊。頻顧南山
高如許。是先生拄杖歸來後。山不記何年有。是中
不減康廬秀。倩西風為吾喚起翁能來否。鳥倦飛還
平林去。雲自無心出岫。賸準備新詩幾首。欲辨忘言
當年意。慨遙遙我去。幾農父。天下事。可無酒。

用前韻再賦

李評曰起用在語

肘後俄生柳。嘆人生不如意事十常八九。右手淋浪
才有用。閒却持螯左手。謾贏得傷今感舊。投閣先生

惟寂寞。笑是非不了。身前後。持此語。問烏有。青山
幸自重。重秀。問新來。蕭蕭木落。頗堪秋否。總被西風
都瘦損。依舊千崑萬岫。把萬事無言搔首。翁比渠儂
人誰好。是我常與我同旋。寧作我一杯酒。

嚴和之好古博雅。以嚴本莊姓取蒙莊子陵
四事。曰濮上。曰濮梁。曰齊澤。曰嚴瀨。為四圖。
屬余賦詞。余為蜀君平之高。楊子雲所謂雖
隋和何以加諸者。望孟堅獨取子雲所稱述。

王實諸傳序引。不敢以其姓名列諸後。

之也。嚴和之當併圖君平像置之四圖
之間。庶幾嚴氏之高節。備焉。作乳燕飛詞使

歌之

李評曰善用事

濮上看垂釣。更風流。羊裘澤畔。精神孤矯。楚漢黃金
公卿印。比看漁竿誰小。但過眼。纔堪一笑。惠子焉知
濠梁樂。望桐江。千丈高臺好。煙雨外。幾魚鳥。古來
如許高人少。細平章。兩翁伯與巢由同調。已被堯知
方洗耳。畢竟塵污人了。要名字。人間如掃。我愛蜀莊
沈冥者。解門前不使徵車到。君為我。盡三老。

和徐斯遠下第謝諸公載酒韻

李評曰意氣崢嶸非瑣瑣者

逸氣軒眉宇。但王良輕車執路。驂騑欲舞。我覺君非
池中物。咫尺蛟龍雲雨。時與命猶須天賦。蘭珮芳菲
無人問。嘆靈均欲向重華訴。空鬱鬱。共誰語。兒曹
不料楊雄賦。惟當年甘泉誤說青葱玉樹。風引船回
滄溟闊。目斷三山伊阻。但笑指吾廬何許。門外蒼官
三百輩。盡堂堂八尺鬚髯古。誰載我。帶湖去。

長短句卷之一終

稼軒長短句卷之二

歷城辛棄疾湯著

大梁李漁批評

歷城王詔校刊

念奴嬌

書東流村壁

李評曰妙絕古今

野塘花落。又匆匆過了清明時節。剗地東風欺客夢。

一夜雲屏寒怯。曲岸持觴。垂楊繫馬。此地曾經別樓。
空人去。舊遊飛燕能說。聞道綺陌東頭。行人曾見。
簾底纖纖月。舊恨春江流不斷。新恨雲山千疊。料得
明朝尊前重見。鏡裡花難折。也應驚問近來多少華
髮。

登建康賞心亭呈史留守致道

我來吊古上危樓。贏得閑愁千斛。虎踞龍盤何處是。
只有興亡滿目。柳外斜陽水邊歸鳥。隴上吹喬木。片
帆西去。一聲誰噴霜竹。却憶安石風流。東山歲晚。

淚落哀筇曲。兒輩功名都付與。長日惟消棋局。寶鏡
難尋。碧雲將暮。誰勸金盃綠。江頭風怒。朝來波浪翻
屋。

西湖和人韻

李評自筆

晚風吹雨戰新荷。聲亂明珠蒼璧。誰把香奩收寶鏡。
雲錦周遭紅碧。飛鳥翻空。遊魚吹浪。慣趁笙歌席。坐
中豪氣。看君一飲千石。遙想處士風流。鶴隨人去。
已作飛僊客。苑舍疎籬今在否。松竹已非疇昔。欲說
當年。望湖樓下水。與雲寬窄。醉中休問。斷腸桃葉消

息

和韓南澗載酒見過雲樓觀雪 李評曰亦佳
兔園舊賞悵遺踪。飛鳥千山都絕。縞帶銀盃江上路。
惟有南枝香別。萬事新奇。青山一夜對我頭先白。倚
巖千樹。玉龍飛上瓊闕。莫惜霧鬢雲鬟。試教騎鶴
去約尊前月。自與詩翁磨凍硯。看掃幽蘭新闕。便擬
明年。人間揮汗。留斫層冰潔。此君何事。曉來曾為腰折。

賦雨巖効朱希真體

李評曰超逸之才

近來何處有吾愁。何處還知吾樂。一點凄凉千古
獨倚西風寥闊。剪竹尋泉。和雲種樹。喚做真閑箇。此
心閑處。未應長籍立壑。休說往事皆非。而今覺是
且把酒尊酌。醉裡不知誰是我。非月非雲非鶴。露冷
松稍風高。桂子醉了。還醒却。北窻高臥。莫教啼鳥驚
着。

雙陸和陳仁和韻

李評曰詠物甚佳

少年橫槊氣憑陵。酒聖詩豪餘事。袖手傍觀初未識

兩兩三三而已。變化須臾。鷗翻石鏡。鵲抵星橋。外搗
殘秋練。玉砧猶想。纖指堪笑。千古爭心。等閑一勝。拚
了光陰費。老子忘機。渾謾與。鴻鵠飛來天際。武媚宮
中。常娘局上。休把興亡記。布衣百萬。看君一笑。沉醉

賦白牡丹和范先之韻

對花何似似吳宮。初教翠圍紅陣。欲笑還愁。羞不語。
惟有傾城嬌韻。翠蓋風流。牙籤名字。舊賞那堪省。天
香染露。曉來衣潤。誰整。最愛弄玉團酥。就中一朶。
不勝吟詠。華屋金盤。人未醒。燕子飛來春盡。最憶

當年沉香亭北。無限春風恨。醉中休問。夜深花睡香
冷。

和信守王道夫席上韻

李評曰未更佳

風狂雨橫。是邀勒園林。幾多桃李。待上層樓。無氣力。
塵滿欄干。誰倚。傍火添衣。移香就枕。莫捲朱簾起。元
宵過也。春寒猶自如此。為問幾日新晴。鳩鳴屋上。
鵲報簷前喜。措拭老來詩句。眼要看。拍堤春水。月下
憑肩。花邊繫馬。此興今休矣。溪南酒賤。光陰只在彈
指。

戲贈善作墨梅者

江南盡處墮王京。僊子絕塵英。彩筆風流偏解寫，
姑射冰姿清瘦。笑殺春工。細窺天巧。妙絕應難有。冊
青圖畫。一時都愧凡陋。還似籬落孤山。嫩寒清曉。
祇欠香沾袖。淡竚輕盈。誰付與。弄粉調朱。纖手疑是
花神。揭來人世。占得佳名久。松篁佳韻。倩君添做三
友。

題梅

李評曰婉約

疎疎淡淡問阿誰。堪比太真顏色。笑殺東君虛占斷。

多少朱朱白白。雪裡溫柔。水邊明秀。不借春工力。骨
清香嫩。迥然天與。奇絕。嘗記寶篋寒輕。瓊窻睡起。
玉纖輕摘。漂泊天涯空瘦損。猶有當年標格。萬里風
煙。一溪霜月。未怕欺他得。不如歸去。闌風有箇人惜。

瓢泉酒酣和東坡韻

倘來軒冕。問還是今古人間何物。舊日重城愁萬里。
風月而今堅壁。藥籠功名。酒壚身世。可惜蒙頭雪。浩
歌一曲。坐中人物三傑。休嘆黃菊凋零。孤標應也
有梅花爭發。醉裡重揩西望眼。惟有孤鴻明滅。萬事

從教浮雲來去。枉了衝冠髮。故人何在。長庚應伴殘

月

再用韻和洪莘之通判丹桂詞

道人元是道家風。來作烟霞中物。憶裁犀遮不定。紅
透玲瓏。油壁借得春工。急將秋露薰。做江梅雪。我評
花譜。便應推此爲傑。憔悴何處芳枝。十郎手種。看
明年花發。生斷虛空香色界。不怕西風起滅。別駕風
流。多情更要簪滿嫦娥髮。等閑折盡。玉斧重倩脩月

洞庭春晚。舊傳恐是人間尤物。收拾瑤池。傾國艷來
向朱欄。一壁透戶龍香。隔簾鶯語。料得肌如雪。月妖
真態。是誰教避人傑。酒罷歸對寒窻。相留昨夜。應
是梅花發。賦了高唐。猶想像。不管孤燈明滅。半面難
期。多情易感。愁幾點。星星髮。繞梁聲在。爲伊忘味三
月

趙晉臣敷文十月望生日自賦詞屬余和韻

看公風骨似長松。磊落多生奇節。世上兒曹都蓄縮。
凍芋旁堆秋硤。結屋溪頭。境隨人勝。不是江山別。紫

雲如陣。妙歌爭唱新闕。尊酒一笑相逢。與公臭味
菊花蘭須悅。天上四時調玉燭。萬事宜詢黃髮。看取
東歸。周家叔父。手把元龜說。祝公長似。十分今夜明
月

和趙國興知錄韻

爲沽美酒過溪來。誰道幽人難致。更覺元龍樓百尺。
湖海平生豪氣。自嘆年來。看花索句。老不如人意。東
風歸路。一川松竹如醉。怎得身侶在周夢中。蝴蝶
花底人閒世。記取江頭三月暮。風雨不爲春計。萬斛

愁來。金貂頭上。不抵銀瓶。買無多笑我。此篇聊當實
戲

重九席上

龍山何處。記當年高會重陽佳節。誰與老兵共一笑。
落帽參軍華髮。莫倚忘懷。西風也解。點檢尊前客。淒
涼今古。眼中三兩飛蝶。須信採菊東籬。千載只有
陶彭澤。愛說琴中如得趣。絃上何勞聲切。試把空林
翁還肯道。何必杯中物。臨風一笑。請翁同醉今夕
用韻答傅先之提舉

君詩好處。但鄒魯儒家。還有奇節。下筆如神。強押韻。
遺恨都無毫髮。炙手炎來。掉頭冷去。無限長安客。丁
寧蓄菊。未消勾引蜂蝶。天上絳闕清都。聽君歸去。
我自濯山澤。人道君才剛百鍊。美玉都成泥切。我愛
風流醉中傾倒。丘壑胸中物。一盃相屬。莫孤風月。今
夕

賦傳巖叟香月堂兩梅

未須草草賦梅花。多少騷人詞客。總被西湖林處士。
不肯分留風月。疎影橫斜。噴寒浮動。把斷春消息。賦

將花品。細參今古人物。看取香月堂前。歲寒相對。
楚龔之潔。自與詩家成一種。不係南昌仙籍。怕是當
年香山老子。姓名白來江國。謫人仙字。太白還又名白。
余既為傳巖叟兩梅賦。詞傳君用席上有請
云。家有四古梅。今百年矣。未有一品題。乞援
香月堂例。欣然許之。且用前篇體制。製戲賦。

李評曰清絕語

是誰調護。歲寒枝。都把蒼苔封了。郊舍疎籬。江上路。
清夜月。高山小。模索應知。曹劉沈謝。何況霜天曉。芬

芳一世。料君長被花惱。惆悵立馬行人。一枝最愛。
竹外橫斜好。我向東鄰曾醉裡。喚起詩家二老。拄杖
而今。婆婆雪裡。又識商山皓。請君置酒。看渠亦與我傾
卮。

沁園春

帶湖新居將成

李評曰絕妙好辭

三徑初成。鶴怨猿驚。稼軒未來。甚雲山自許。平生意
氣。衣冠人笑。抵死塵埃。意倦須還。身閑貴早。豈爲尊
羹鱸膾。秋江上。看驚絃。孤雁避。駭浪船回。東岡更

葦茅齋好。都把軒窗臨水開。要小舟行釣。先應種柳。
疎籬護竹。莫礙觀梅。秋菊堪餐。春蘭可佩。留待先生
手自栽。沉吟久。怕君恩未許。此意徘徊。

送趙景明知縣東歸。再用前韻

高作

佇立瀟湘。黃鸝高飛。望君未來。快東風吹斷。西江對
語。急呼斗酒。旋拂塵埃。却怪英姿。有如君者。猶欠封
侯萬里哉。空贏得。道江南佳句。只有方回。錦帆畫
舫行齋。恨雪浪粘天。江景開。記我行南浦。送君折柳。
君逢驛使。爲我攀梅。落帽山前。呼鷹臺下。人道花須

滿縣裁都休問。看雲霄高處。鵬翼徘徊。

戊申歲。奏邸忽騰報。謂余以病挂冠。因賦此。老子平生笑盡人間兒女怨根。况白頭能幾。定應獨往。青雲得意。見說長存。抖擻衣冠。憐渠無恙。合掛當年神武門。都如夢。弄能爭幾許。鷄曉鍾昏。此心無有新寃。况抱甕。年來自灌園。但淒涼顧影。頻悲往事。殷勤對佛。欲問前因。却怕青山也。妨賢路。休闢尊前。見在身。山中友。試高吟楚些。重與招魂。

期思舊呼竒獅。或云碁獅。皆非也。余考之荀

鄉書云。孫叔敖。期思之鄙人也。期思屬弋陽郡。此地舊屬弋陽縣。雖古之弋陽。期思見之圖記者不同。然有弋陽。則有期思也。橋壞復成。父老請余賦。作沁園春以證之。

李評曰。此一代必傳之作。

有美人兮。玉佩瓊琚。五夢見之。問斜陽猶照。漁樵故里。長橋誰記。今古期思。物化蒼茫。神遊彷彿。春與猿吟。秋鶴飛還。驚鷺向晴波。忽見千丈虹霓。覺來西望。崔嵬。更有青楓。下有溪。待空山自薦。寒水秋菊。

中流却送桂棹蘭旗。萬事長嗟。百年雙鬢。吾非斯人
誰與歸。憑闌久。正清愁未了。醉墨休題。

答余叔良

我試評君。君定何如。玉川似之。記李花初發。乘雲共
語。梅花開後。對月相思。白髮重來。畫橋一望。秋水長
天。孤鶩飛。同吟處。看珮搖明月。衣捲青霓。相君高
節。崔嵬。是此處。耕巖與釣溪。被西風吹盡。村簫社鼓。
青山留得。松蓋雲旗。吊古愁濃。懷人日暮。一片心從
天外歸。新詞好。似淒涼楚些。字字堪題。

答楊世長

李評曰亦是奇作

我醉狂吟。君作新聲。倚歌和之。筭芬芳定向梅間得
意。輕清多是雪裡尋思。朱雀橋邊。何人會道。野草斜
陽春燕飛。都休問。甚元無霖雨。却有晴霓。詩壇干
丈。崔嵬更有筆如山。雲作溪。着君才未數。曹劉敵手。
風騷合受屈。宋降旗。誰識相如。平生自許。慷慨須乘
駟馬歸。長安路。問垂虹千柱。何處曾題。

靈山齊菴賦時築偃湖未成

臺 馳萬馬回旋。衆山欲東。正驚湍直下。跳珠倒
濺。小橋橫截。缺月初弓。老合投閑。天教多事。檢校長
身十萬松。吾廬小。在龍蛇影外。風雨聲中。爭先見
面重重。爽氣朝來三四峰。似謝家子。衣冠磊落。相如
庭戶。車騎雍容。我覺其家。雄深雅健。如對文章太史
公。新堤路。問偃湖何日。烟水濛濛。

弄溪賦

有酒忘杯。有筆忘詩。弄溪奈何。看從橫斗轉。龍蛇起
陸。崩騰決去。雪練傾河。嫋嫋東風。悠悠倒影。搖動雲

山水又波。還知否。欠菖蒲攢港。綠竹緣坡。長松誰
剪。差我笑野老來耘。山上禾。筭只因魚鳥。天然自樂。
非關風月。閑處偏多。芳草春深。佳人日暮。濯髮滄浪
獨浩歌。裴回又。人間誰似。老子婆娑。

期思卜築

一水西來。千丈晴虹。十里翠屏。喜草堂經歲。重來社
老。斜川好景。不負淵明。老鶴高飛。一枝移宿。長笑蝸
牛戴屋行。平章了。待十分佳處。着箇茅亭。青山意
氣崢嶸。似爲我歸來。嫵媚生解。頻教花鳥。前歌後舞。

更催雲水暮送朝迎。酒聖詩豪。可能無勢。我乃而今
駕馭。卿清溪上。被山靈却笑。白髮歸耕。

將止酒戒酒杯使勿近

李評曰。煞有奇語。

杯汝前來。老子今朝。點檢形骸。甚長年抱渴。咽如焦
釜。于今喜眩。氣似奔雷。汝說劉伶。古今達者。醉後何
妨死。便埋澤如許。歎汝於知己。真少恩哉。更憑歌
舞為媒。算合作人間鴆毒猜。况疾無小大。生於所愛。
物無美惡。過則為災。與汝成言。勿留亟退。吾力猶能

肆汝杯。杯再拜道。麾之即去。有召須來。

城中諸公載酒入山。余不得以止酒為解。遂

破戒一醉。再用韻。

李評曰。亦奇。

杯汝知乎。酒泉罷侯。鵠夷乞骸。更高陽入謁。都稱董
白。杜康初筮。正得雲雷。細數從前。不堪餘恨。歲月都
將。麴糵埋君。詩好似提壺。却勸沽酒何哉。君言病
豈無媒。似壁上雕弓。蛇暗猜。記醉眠陶令。終全至樂。
獨醒屈子。未免沈菑。欲聽公言。慙非勇者。司馬家兒
解覆杯。還堪笑。借今宵一醉。為故人來。

用邴原事壽趙茂嘉郎中。時以置兼濟倉賑
濟里中。除直秘閣

甲子相高。亥首曾疑。絳縣老人。看長身玉立。鶴般風
度方願。虎樣精神。文爛卿雲。詩凌鮑謝。筆勢駸
駸更右軍。渾餘事。羨僊都。夢覺金閣名存。門前父
老忻忻。煥奎閣新褒。詔語溫。記他年。惟幄。須依日月。
只今劍履。快上星辰。人道陰功。天教多壽。看到貂蟬
七葉孫。君家裡。是幾枝丹桂。幾樹靈椿

和吳子似縣尉

我見君來頓覺吾。廬溪山美我悵平生。肝膽都成楚
越。只今膠漆。誰是陳雷。搔首踟躕。愛而不見。要得詩
來。渴望梅。還知否。怯清風入手。日看千回。直須抖
擻塵埃。人恠我柴門。今始開。向松間。乍可從他。喝道
庭中。切莫踏破蒼苔。豈有文章用杜語。謗勞車馬。待喚青芻
白飯來。君非我。任功名意氣。莫恁徘徊。

長短句卷之三終

稼軒長短句卷之三

歷城辛棄疾湯著

大梁李瀛批評

歷城王詔校刊

水調歌頭

舟次揚州和楊濟翁周顯先韻

李評曰以下二闕俱見雄豪之氣

落日塞塵起胡馬獵清秋漢家組練十萬列艦登層

樓誰道投鞭飛渡憶昔鳴鏑血汚風雨佛狸愁季子
正年少匹馬黑貂裘今老矣搔白首過揚州倦游
欲去江上手種橘千頭二客東南名勝萬卷詩書事
業嘗試與君謀莫射南山虎直覓富民侯

又

落日古城角把酒勸君留長安路遠何事風雪弊貂
裘散盡黃金身世不管秦樓人怨歸計狎沙鷗明夜
扁舟去和月載離愁功名事身未老幾時休詩書
萬卷致身須到十口伊周莫羨子班超投筆縱得封侯萬

里憔悴老邊州何處依劉客寂

淳熙丁酉自江陵移帥

官之三月被

召司馬監趙卿王漕餞別司馬賦水調歌頭

席間次韻時王公明樞密薨坐客終夕爲興

門戶之歎故前章及之

李評曰前章佳勝老手筆自是
驚人

我飲不須勸正怕酒尊空別離亦復何恨此別恨勿
勿頭上貂蟬貴客花外麒麟高塚人世竟誰推出門
笑去千里落花風孫劉輩能使我_不爲公余髮

種種如是。此事付渠儂。但得平生湖海。除了醉吟風月。此外百無功。毫髮皆帝力。更乞鑑湖東。

淳熙己亥。自湖北漕移湖南。周總領王漕趙守置酒南樓。席上留別。

折盡武昌柳。挂席上瀟湘。二年魚鳥江上。笑我往來忙。富貴何時休問。離別中年堪恨。憔悴鬢成霜。絲竹陶寫耳。急羽且飛觴。序蘭亭。歌赤壁。繡衣香。使君千騎。鼓吹風采。漢侯王。莫把離歌頻唱。可惜南樓佳處。風月已淒涼。在家貧亦好。此語試平章。

盟鷗

李評曰絕妙好辭說出盟字意盡

帶湖吾甚愛。千丈翠奩開。先生杖屨無事。一日走千回。凡我同盟鷗鷺。今日既盟之後。來往莫相猜。白鶴在何處。嘗試與偕來。破青萍。排翠藻。立蒼苔。窺魚笑汝癡計。不解舉吾杯。廢沼荒丘疇昔。明月清風此夜。人世幾懽哀。東岸綠陰少。楊柳更須栽。

湯朝美司諫見和。用韻爲謝。李評曰有諷湯意。

白日射金闕。帝豹九關開。見君諫疏頻上。談笑挽天

卑。古忠肝義膽。萬里蠻烟瘴雨。往事莫驚猜。政恐
不免耳。消息日邊來。笑吾廬。門掩草徑封苔。未應
兩手無用。要把蟹螯盃。說劍論詩。余事醉舞狂歌。欲
倒老子。頗堪哀。白髮寧有種。一一醒時栽。

嚴子文同傅安道和前韻。因再和謝之。

寄我五雲字。恰向酒邊開。東風過盡歸馬。不見客星
回。均道瑣窻風月。更着詩翁杖屨。合作雪堂猜。子文

齋寄書云。近以早無以迄客。歲早莫留客。霖雨要渠來。短燈檠。

長劍缺。欲生苔。雕弓挂壁無用。照影落清杯。多病關

心藥。累小摘親。銀菜甲。老子政須哀。夜雨北窻竹。更
倩野人栽。

和趙景明知縣韻

官事未易了。且向酒邊來。君如無我。問君懷抱向誰

開。但放平生丘壑。莫管傍人嘲罵。深蓄要驚雷。白髮

遂自肅。何地置衰頽。五車書。千石飲。百篇才。新詞

未到瓊瑰。先夢滿吾懷。已過西風重九。且要蓄花入

手。詩興未關梅。君要花滿縣。桃李趁時栽。

壽趙漕介菴

千里溼洼種。名動帝王家。金鑾當日奏草。落筆萬龍
蛇。帶得無邊春下。等待江山都老。教看鬢方鴉。莫管
錢流地。且擬醉黃花。喚雙成。歌弄玉。舞綠華。一觴
爲飲千歲。江海吸流霞。聞道清都帝所。要挽銀河仙
浪。西北洗胡沙。回首日邊去。雲裡認飛車。

和王政之右司吳江觀雪見寄

造化故豪縱。千里玉鸞飛。等閑更把萬斛。瓊粉蓋玻
璃。好卷垂虹十丈。只放米壺一色。雲海路應迷。老子
舊游處。回首夢耶非。謫仙人。鷗鳥伴。兩忘機。掀髯

把酒一笑。詩在片帆西。寄語烟波舊侶。聞道尊鱸正
美。休裂芰荷衣。上界足官府。汗漫與君期。

九日遊雲洞和韓南澗尚書韻 李評曰佳作

今日復何日。黃菊爲誰開。淵明謬愛重九。曾次正崖
鬼。酒亦關人何事。政自不能不爾。誰遣白衣來。醉把
西風扇。隨處障塵埃。爲公飲。須一日。三百杯。此心
高處東望。雲氣見蓬萊。翳鳳驂鸞公去。落佩倒冠吾
事。抱病且登臺。歸路踏明月。人影共徘徊。

再用韻呈南澗

千占老蟾口。雲洞插天開。漲痕當日何事。洶湧到崖
嵬。攫土搏沙兒戲。翠谷蒼崖幾變。風雨化人來。萬里
須臾耳。野馬驟空埃。笑年來。焦鹿夢。畫蛇杯。黃花
憔悴風露。野碧漲荒萊。此會明年誰健。後日猶今視
昔。歌舞只空臺。愛酒陶元亮。無酒正徘徊。

再用韻李子永提幹

君莫賦幽憤。一語試相開。長安車馬道上。平地起崔
嵬。我愧淵明久矣。猶借此翁湔洗。素壁寫歸來。斜日
透虛隙。一線萬飛埃。斷吾生。左持蟹。右持杯。買山

百種雲樹山下。剗煙來。百鍊都成。統指萬事。直須
好。人世幾興衰。劉郎更堪笑。剛賦看花回。

慶韓南澗尚書七十

上古八千歲。纔是一春秋。不應此日。剛把七十壽君
侯。看取垂天雲翼。九萬里風在下。與造物同游。君欲
計歲月。嘗試問莊周。醉淋浪。歌窈窕。舞溫柔。從今
杖屨南澗。白日爲君留。聞道鈞天帝所。頻上玉卮春
酒。冠蓋擁龍樓。快上星辰去。名姓動金甌。

席上用黃德和推官韻壽南澗

上界足官府。公是地行僊。青氈劍履舊物。玉立近天
顏。莫恠新來白髮。恐是當年柱下。道德五千言。南澗
舊活計。猿鶴且相安。歌秦缶。寶康瓠。世皆然。不知
清廟鍾磬。零落有誰編。莫問行藏用舍。畢竟山林鍾
鼎。底事有虧全。再拜荷公賜。雙鶴一千年。公以雙鶴
見壽

和信守鄭舜舉蔗菴韻 李評曰 崔作

萬事到白髮。日月幾西東。羊腸九折岐路。老我慣經
從。竹樹前溪風月。鷄酒東家父老。一笑偶相逢。此樂
竟誰覺。天外有冥鴻。味平生。公與我。定無同。土堂
金馬自有佳處。着詩翁。好鎖雲烟窻戶。怕入丹青圖
畫。飛去了無蹤。此語更癡絕。真有虎頭風。

送守信王桂發

李評曰 煞有奇氣

酒罷且勿起重。挽使君鬚。一身都是和氣。別去意何
如。我輩情鍾。休問父老田頭說。淚落獨憐渠。秋水
見毛髮。千尺定無魚。望青闕。左黃閣。右紫樞。東風
桃李陌上。下馬拜除書。屈指吾生餘幾多。病妨人痛
飲。此事正愁余。江湖有歸鴈。能寄草堂無。

送鄭厚卿赴衡州

李賀

寒食不少住。千騎擁春衫。衡陽石鼓城下。記我舊停
驂。襟以瀟湘桂嶺。帶以洞庭青草。紫蓋屹西南。文字
起騷雅。刀劍化新蠶。看使君。於此事。定不凡。奮髯
抵几堂上。尊俎自高談。莫信君門萬里。但使民歌五
袴。歸詔鳳凰啣。君去我誰飲。明月影成三。

文字觀天巧。亭榭定風姿。平生丘壑歲晚。也作稻梁
謀。五畝園中秀野。一水田將綠遶。穉穉不勝秋。飽飯
對花竹。可是便忘憂。吾老矣。採禹穴。欠東遊。君家
風月幾許。白馬去悠悠。插架牙籤萬軸。射虎南山一
騎。容我攬鬚不。更欲勸君酒。百尺臥高樓。

元日投宿博山寺見者驚嘆其老

李評曰如此解嘲令人絕倒

頭白牙齒缺。君勿笑衰翁。無窮天地今古。人在四之
中。臭腐神奇俱盡。貴賤賢愚等耳。造物也兒童。老佛

更堪笑。談妙說虛空。坐堆脰。行荅颯。立龍鍾。有時
三盞兩盞。淡酒醉濛鴻。四十九年前事。一百八盤狹
路。拄杖倚墻東。老景竟何似。只與少年同。

送楊民瞻

日月如磨礪。萬事且浮休。君看簷外江水。滾滾自東
流。風雨飄泉夜半。花草雪樓春到。老子已菟裘。歲晚
問無恙。歸計橘卜頭。憂連環。歌彈缺。賦咎樓。黃鶴
白酒君去。村社一番秋。長劔倚天誰問。夷甫諸人堪
笑。西北有神州。此事君自了。千古一扁舟。

送施樞密聖俞帥江西信之讖云

相公倦台鼎。要伴赤松遊。高牙千里東。夏船鼓萬鷗。
貅試問東山風月。更有中年絲竹。留得謝公不。孺子
宅邊水。雲影自悠悠。占古語。方人也。正黑頭。穹龜
突兀千丈石。打玉溪流。金印沙堤時節。畫棟珠簾雲
雨。一醉早歸休。賤子祝再拜。西北有神州。

壬子三山被召陳端仁給事飲餞席上作

李評曰。意匠經營全無痕迹。

長恨復長恨。裁作短歌行。何人爲我楚舞。聽我楚狂。

聲。余既滋蘭九畹。又樹蕙之百畝。秋菊更餐英。門外
滄浪水。可以濯吾纓。一杯酒。問何似。身後名。人間
萬事。毫髮常重。泰山輕。悲莫悲生離別。樂莫樂新相
識。兒女古今情。富貴非吾事。歸與白鷗盟。

題張晉英提舉玉峰樓

李評曰佳

木末翠樓出。詩眼巧安排。天公一夜削出四面玉。崔
嵬疇昔此山安在。應爲先生見晚。萬馬一時來。白鳥
飛不盡。却帶夕陽回。勸君飲。左手蟹。右手杯。人間
萬事變滅。今古幾池臺。君看莊生達者。猶對山林華

壞。哀樂未忘懷。我老尚能賦。風月試追陪。

三山用趙丞相韻答卽幕王君。且有感於中。

秋近事。併見之末章。

說與西湖客。觀水更觀山。淡粧濃抹西子。喚起一時
觀種柳人。今天上。對酒歌翻水調。醉墨捲秋瀾。老子
興不淺。歌舞莫教閑。看尊前。輕聚散。少悲歡。城頭
無限今古。落日曉霜寒。誰唱黃鷄白酒。猶記紅旗清
夜。千騎月臨關。莫說西州路。且盡一杯看。

卽席和金華杜仲高韻併壽諸友。惟醕乃佳。

耳

萬事一杯酒。長嘆復長歌。杜陵有客。剛賦雲外築婆
婆。須信功名兒輩。誰識有感年來心事。古井不生波。種種
看余髮。積雪就中多。二三子。問丹桂。倩素娥。平生
螢雪。男兒無奈五車何。看取長安得意。莫恨春風看
盡花柳。自蹉跎。今夕且歡笑。明月鏡新磨。

醉吟

李評曰：悽惋之音。

四坐且勿語。聽我醉中吟。池塘春草未歇。高樹變鳴

禽。鴻鴈初飛江上。蟋蟀還來床下。時序百年心。誰要
卿料理。山水有清音。歡多少。歌長短。酒淺深。而今
已不如昔。後定不如今。閑處直須行樂。良夜更教秉
燭。高會惜分陰。白髮短如許。黃菊倩誰簪。

題趙晉臣敷文真得歸方是閑二堂名

十里深窈窕。萬瓦碧參差。青山屋上流水。屋下綠橫
溪。真得歸來嘯語。方是閑中風月。剩費酒邊詩。點檢
笙歌了。琴罷更圍碁。王家竹。陶家柳。謝家池。知君
勲業未了。不是枕流時。莫向癡兒說夢。且作山人索

價頗恠鶴書遲。一事定嗔我已辦。北山移

賦傳巖叟悠然閣

李評曰平妥

歲歲有黃菊。千載一東籬。悠然政須兩字。長笑退之詩。自古此山元有。何事當時纔見。此意有誰知。君起更斟酒。我醉不須辭。回首處。雲正出。鳥倦飛。重來樓上一句。端的與君期。都把軒窗寫遍。更使兒童誦得。歸去來。芳辭。萬卷有時用。植杖且耘耔。

題吳子似瑱山堂經德堂陸象山取名也

喚起子陸子。經德問何如。萬鍾於我何有不負。古人書。聞道千章松桂。剩有四時柯葉。霜雪歲寒餘。此是瑱山境。還似象山無。耕也鋤學也祿。孔之徒。青山畢竟升斗。此意頗關渠。天地清寧高下。日月東西寒暑。何用着工夫。兩字君勿惜。借我榜吾廬。

賦松菊堂

淵明最愛菊。三徑也栽松。何人收拾千載風味。此山中。手把離騷讀遍。自掃落英餐罷。杖屨曉霜濃。皎皎大獨立。更插萬芙蓉。水滸溪雲須洞。石龍從素琴。

濁酒喚客。端有古人風。却怪青山能巧。政爾橫看成嶺。轉面已成峰。詩句得活法。日月有新工。

將遷新居不成戲作時以病止酒且遣去歌者末章及之

我亦卜居者。歲晚望三閭。昂昂千里泛泛不作水中兒。好在書携一束。莫問家徒四壁。舞鳥有歌亡。是飲子虛。二三子者愛我。此外故人踈。幽事欲論誰共。

趙昌七月望日甲東坡韻叙太白東坡事見寄

過相褒借且有秋水之約八月十四日臥病博山寺

中。因用韻為謝。兼寄吳子似。李評曰奇作

我志在寥濶。疇昔夢登天。摩娑素用人世。倪仰已千年。有客騷鸞翳鳳。雲遇青山赤壁。相約上高寒。酌酒援北斗。我亦虱其間。少歌曰神甚放。形則眠。鴻鵠一再高舉。天地睹方圓。欲重歌兮夢覺。推枕惘然獨念。人事底虧全。有美人可語。秋水隔婵娟。

題永豐楊少游提點一枝堂 李評曰通篇佳勝

萬事幾時足。日月自西東。無窮宇宙人。是一粟太倉
中。一葛一裘經歲。一鉢一瓶終日。老子舊家風。更着
一杯酒。夢覺大槐宮。記當年。嚇腐鼠。嘆冥鴻。衣冠
神武門外。驚倒幾兒童。休說須彌界子。看取鷓鴣斤
鷄。小大若為同。君欲論齊物。須訪一枝翁。

席上為葉仲洽賦

李評曰亦佳

高馬勿搖面。千里事難量。長魚變化雲雨。無使寸鱗
傷。一壑一丘吾事。一斗一石皆醉。風月幾千場。鬚作
蝟毛磔。筆作劍鋒長。我憐君癡絕。似顧長康。綸巾

羽扇顛倒。又似竹林狂。解道長江如練。準備停雲堂
上。千首買秋光。怨調為誰賦。一斛貯橫榔。

玉蝴蝶

追別杜仲高

古道行人來去。香滿紅樹。風雨殘花。望斷青山高處。
都被雲遮。客重來。風流觴詠。春已去。光景桑麻。苦無
多一條。垂柳。兩箇啼鴉。人家踈踈翠竹。陰陰綠樹。
淺淺寒沙。醉兀藍輿。夜來豪飲太狂些。到如今。都齊
醒却。只依舊。無奈愁何。試聽呵。寒食近也。且住為佳

杜仲高書來戒酒用韻

貴賤偶然渾似化腐葉為神隨風簾幙。籬落飛花空使兒曹。馬上
羞面頻遮。向空江誰捐玉珮。寄離恨應折疏麻。暮雲
多。佳人何處。數盡歸鴉。儂家生涯蠟屐。功名破甑。
交友搏沙。往日曾論淵明似勝。臥龍此笑來從人生
行樂。休便說日飲亡何。快斟呵。裁詩未穩。得酒良佳。

稼軒長短句卷之三終

